



Comunité da San Ciascian

ploania.sanciascian@rolmail.net - tel. 0471 849474

PLATA DLA CÜRA n. 10

dal 12-05 al 25-05-2014



Vara comunità!

*Nos mituns y mitans dla Pröma Comuniun
Ves invium düc a tö pert a nosta festa
en domènia, ai 25 de mà 2014, cun l'tema
"Gejù, nosc tesur"*

La festa de iubileo é stada dër sintida da düc, dala comunità y ince dai parënc. Ai ringrazia dla bela acoliënza, che ai à podü se stè sauri chilò cun la jënt da San Ciascian. Dër en bel giulan da pert mia dla bela festa de iubileo che i à podü festejè cun os. Giulan de düc, al Cunsëi de Cüra cun la presidënta Marlis, ai ciantarins che à ciantè cun na gran "Begeisterung", ala müjiga, a chi che à ofrì l'agape, a chi che se à cruzié de l'arjigné cà, giulan ala Froziun da S.Ciascian, ala Cassa Raiffeisen y al Comun de Badia y a düc chi che se à dè da fà pur abeli la festa.



Giulan pur la bela iluminaziun, i sun sté a i ciarè da vigni pèrt, ite y fora, y à amiré les belèzes y me à imaginé le gran laür ia dedò. Cun umilté poi dî che en ultima él gnü festejé le Gran Prô Gejù Crist, a chël che i à podü survì pur 50 agn, cun chël che al nasc y rinasc trës danü la ligrèza. Al é stè na festa dla comunità cristiana che lascerà sigü zuruch so sègn.

Mia aodanza pur i pici y gragn: "Il Signore vi faccia crescere e sovrabbondare nell'amore fra noi e verso tutti (1 Ts 3,12)".

Giulan de cör y che le Signur s'el paies y se benedèsces.

Siur Heinrich

Giulan



Incuntada di leturs y cantors dla Val Badia, en sabeda, ai 24.05.2014 a La Val.

I s'abinun dales 14.00 dan la dljia da La Val. Fajun deboriada l'tru de meditaziun cina sô Santa Berbura, olache al sarà i ôspi. Dedò ciafunse val'da mangè tla ostarìa Pider.

Prëibel s'anunzié cina ai 15.05.2014 te calonia a La Val al tel. 0471/843121 o por e-mail ploania.laval@aruba.it o ince pro Zeno (zeno.tolpeit@dnet.it)

ORARE DLES MËSSES

Lünesc	12-05	dales	7.25	S.Mëssa	pur fam. Ploner Paul y Maria
				S.Mëssa	† Videsott Heinrich
Mertesc	13-05	dales	7.25	S.Mëssa	ad intenziun de Wieser Franz
				S.Mëssa	† Mangutsch Rudl
Mercui	14-05	dales	7.25	S.Mëssa	pur fam. Valentin Norbert
				S.Mëssa	ad intenziun
Jöbia	15-05	dales	7.25	S.Mëssa	†† Canins Iaco y Antonia
				S.Mëssa	† Pater Franz Kiefer
Vëindres	16-05	dales	7.25	S.Mëssa	† Pescollderungg Giuvani
				S.Mëssa	† Alfarei Maria
Sabeda	17-05	dales	7.25	S.Mëssa	pur Artferia in onur de S.Florian y S.Anton
				S.Mëssa	ad intenziun
Dumënia 18-05	5^a de Pasca				
	dales	6.00		S.Mëssa	†† de Ploner Milio y Pia
	"	8.30		Corona de Mä	
	"	9.00		S.Mëssa	pur la comunité
	"	14.00		Bato	
Lünesc	19-05	dales	7.25	S.Mëssa	†† Ploner Giuvani y Epifania
				S.Mëssa	† Crazzolara Paula
Mertesc	20-05	dales	7.25	S.Mëssa	† Irsara Genoveffa
				S.Mëssa	ad intenziun
Mercui	21-05	dales	7.25	S.Mëssa	† Mangutsch Rudl
				S.Mëssa	† Mangutsch Paul
Jöbia	22-05	dales	7.25	S.Mëssa	pur fam. Ploner Sepl y Paola
				S.Mëssa	†† Ploner Francesco y Maria
Vëindres	23-05	dales	7.25	S.Mëssa	† Siur Angelo Complojer
				S.Mëssa	†† Vittur Giuvani y Fefa
Sabeda	24-05	dales	7.25	S.Mëssa	†† de Ploner Sepl y Paola
				S.Mëssa	ad intenziun de Frena Pia
Dumënia 25-05	6^a de Pasca - Prüma Santa Comuniun				
	dales	6.00		Aniversar	† Crazzolara Sepl
	"	8.30		Corona de Mä	
	"	9.00		Prozesciun di mituns cun geniturz dala scola,	
				S.Mëssa pur la comunité y i mituns dla Prüma Comuniun	



La comunité ti fej les mius aodanzas ai geniturs de Jonas Valentini che cun le sacramënt dl Bato é gnü tut sö te nosta comunité cristiana. Aodanzas ince a berba Nando Glira che cumplësc 92 agn ai 14-05, a berba Gottardo Agreiter che cumplësc 84 agn ince ai 14-05, a berba Nando Pitscheider che cumplësc 87 agn ai 24-05 y a mëda Tarejia Tasser che cumplësc 80 agn ai 25-05.

- Te chësc mais de mà passa por l'decanat Val Badia „la crusc dla jonëza” metüda a jì dala SKJ da Balsan sciöche recordanza dl „dé mundial dla jonëza” a Madrid tl ann 2011. Chësta crusc é gnüda benedida dal Vësko Ivo Muser, ai 21/10/2012 cun le fin da la lascè passè da decanat a decanat. En domënia, 11 de mà, dales 14:00 da Badia demez gnarà portada la crusc a Oies, adüm cun la prozesciun de düta la valada por perié por vocaziuns. Ai 16 de mà dales 20:00 sarà a Oies «l'ora de Taizé» cun la crusc dla jonëza, a chëla che düc - jogn y manco jogn - é de cör invia.
- L'unìon omi Val Badia invieia düc i ëi y i jogn en mertësc ai 13-05 dales 21.00 a Porsenù ala prozesciun di ëi y di jogn cun linternes o ciandares (da se to para). An paia ia da Porsenù (Aquarena) dales 21.00 y an va cina a Neustift, ca. en ora da jì a pè y dailò gnaral dit la Santa Mëssa cun Siur Toni Fiung. Dala Val Badia gnaral organisè n pulman, düc i interescia è peria de se anunziè pro Salvester Vittur 3337247516 cina ai 11-05.
- En sabeda ai 17 de mà dales 15:00 ales 17:00 vëgnel tignì te calonia a Al Plan la preparaziun al Bato cun le maester de religiun Erich Frenademetz. Invia é geniturs che à na creatöra da batié, sciöche ince totes y tòc. S'anunzié pon pro Annamaria Complojer al nr. 334/6102551.
- Ai 24/05 vegnel fat le pelegrinaje a Maria Trens organisè dales Patrones de döt Suedtirol. Dötes les patrones cun familia interesciades dess se anunzié cina ai 20/05 pro Loise al numer de tel. 0474/590026. Al vegn organisè na curiera pur döta la Val Badia. Nosc vesco dijarà la messa dales 11.00 a Maria Trens.
- In ocajiun dla santificaziun del Papa Giovanni 23, vëgn organisè en pelegrinaje a Sotto il Monte ai 28-05. I interescia po se anunziè pro Emma al nr. 338 6667929 cina ai 25-05.
- In lünesc 19-05 vëgnel organisè en referat sura les erbes, plantes y früc da medejina che crësc chilò da nos. Al vëgn splighè co vari dales maraties plö comunes. Al vëgn ince splighè sciöche fà cun les erbes l'sè por cujiné, por ti dè na bona saù y che fej bun. Se tò para val da scrì. Dales 20.00 te salf de calonia a S.Ciascian.
- Dé dla porta daverta dl "Herz Jesu Institut" a Mühlbach in sabeda 14-05 dales 9.00 ales 12.30.
- L'Comun de Badia lascia alsavèi che la proscima incuntada cun la popolaziun gnarà tignida en lönesc, ai 12-05 dales 20:00 tla éiasa dles uniuns J.B. Rinna a San Ciascian. Düc i zitadins dl comun é dër bel invia a tò pert, cun osservaziuns y propostes!